

Takmičenje kultura sjećanja

“Momenti-Spomenici-Pokreti”

Rezultati

U okviru projekta “Sjećanje u pokretu ide ka Zapadnom Balkanu” koji se realizuje od strane *forumZFD* i Udruženje nastavnika i profesora historije/istorije/povijesti – (EUROCLIO HIP BiH), u saradnji sa Humanity in Action BiH (HiA BiH), Inicijativom mladih za ljudska prava BiH (YIHR BiH), Mreža za izgradnju mira i mirovnim pokretom Pax Christi Aachen (Njemačka), uz prijateljsku podršku Anna Frank House (Holandija),

u kategoriji srednjih škola komisija je donijela odluku da nagradi kratki film učenika
JU Gimnazija Obala Sarajevo pod naslovom “Indexi i Mirza”.

Obrazloženje odluke:

Kratki film “Indexi i Mirza” oživljava sjećanje na dvije ličnosti iz Bosne i Hercegovine i Zapadnog Balkana. U centru pažnje filma je lider muzičkog benda Indexi- Davorin Popović, i Mirza Delibašić- uspješni košarkaš bivše Jugoslavije, te njihovi spomenici u Sarajevu. Davorin i Mirza su bili dobri prijatelji koji su umrli 2001. godine.

U kreativnom procesu mladi autori filma se poistovjećuju sa glavnim likovima, te kroz prijateljstvo Mirze i Davorina oživljavaju njihovu strast za sport i muziku. Na ovaj način stvaraju pozitivni narativ kulture sjećanja koji se suprotstavlja i nameće kao alternativa uobičajnim historiskim narativima vezanim za rat i ideologiju. Film uz pomoć popularnog sporta (košarke) i pop rock muzike komunicira sa mlađim generacijama, prisjećajući se vremena prividnog mira u kojem su se cijenile ljudske vrijednosti kao što su prijateljstvo i odanost. Nostalgija i prizivanje pozitivne prošlosti koji se osjeća u cijelom filmu daje nadu za bolju budućnost u kojoj je sport i muzika univerzalan jezik koji premošćuje razlike i podjele.

Estetika i tehnički kvalitet kratkog filma naglašen je autentičnim dokumentima koji prikazuju priču dvije ličnosti, jedna koja predstavlja sport a druga muziku. Nadalje, identifikacija mladih autora sa pozitivnim ličnostima iz prošlosti i kritički osvrt naspram njihove memorijalizacije daje ličnu dimenziju filmu, koji na kritički način propituje spomenike u njihovoj neposrednoj okolini.

Komisija za odabir iskreno čestita učenicima i direktoru škole JU Gimnazija Obala Sarajevo, Benjamin Hedžić. Učenici (autori) pobjedničkog kratkog filma “Indexi i Mirza” su: Amila Mašović; Ajna Grabus; Armin Papović; Benjamin Fazlić; Ilma Subotić; Tija Hajro; Lejla Smječanin; Ena Čengić; Kerim Hodžić, na čelu sa profesorom Irfanom Kubatom.

Nagrađeni kratki film će biti uključen u novo izdanje pedagoškog alata o kulturi sjećanja “Sjećanje u pokretu”, kao dodatni didaktički audio-vizuelni material, zajedno sa originalnom pedagoškom nastavnom jedinicom.

Organizatori će direktno kontaktirati JU Gimnazija Obala Sarajevo za buduće prateće aktivnosti i dogovore.

Na konkurs "Momenti-Spomenici-Pokreti" je pristiglo 18 radova, što je odličan odaziv uzimajući u obzir kratak vremenski rok za prijavu. 16 prijava je stiglo iz gradova širom Bosne i Hercegovine i dvije iz Makedonije. Sa svojim radovima prijavilo se jedanaest srednjih škola, šest osnovnih škola i jedna kulturna zajednica.

Uprkos činjenici da su svi učesnici prijavljenih radova uložili značajan napor, kreativnost i pokazali posvećenost, u skladu sa visokim kriterijima i pravilima očekivanim za nagrađeni rad koji bi bio u skladu sa sadržajem i formatom uključen kao integrisani dio pedagoškog alata "Sjećanje u pokretu", te u skladu sa pravima koje je komisija objavila u konkursnom pozivu, komisija je odlučila da nagradi samo jedan rad, i to iz kategorije srednjih škola koji je zadovoljio sve neophodne kriterije.

Što se tiče ostalih kategorija, u kategoriji univerziteta nije bilo prijavljenih radova, a u kategoriji osnovnih škola, iako pristigli radovi zaslužuju pohvalu i ohrabrenje, nažalost prema ocjenama žirija niti jedan rad, bezobziran na trud i kvalitet, nije u potpunosti zadovoljio kriterije sadržaja o kritičkoj kulturi sjećanja kako bi se njihov rad uvrstio u novi pedagoški alat.

Organizatori,

**HUMANITY IN
ACTION**
Bosnia and Herzegovina



mreža za
izgradnju mira



anne frank house